

武甯縣志卷之二十四

武甯縣知縣粵東何慶朝



方技

維甯之區山水奧異鍾英毓靈旁饒絕技雖云小道於  
人有濟醫本岐經卜由易義洞闡陰陽精儲五味惟諸  
術解皆古所器大道既離各執一藝神而明之道之所  
麗簡册昭垂於今炳蔚一行足觀用載勿替志方技

宋

吳尚洵宋慶曆間人善書能詩尤工山水嘗於尺幅中盡  
華嶽之勢神宗嘉熙間召繪古杭勝概三百里稱旨授  
朝議大夫

吳鵬幼嗜道有道人將小甕磨墨數斗以棕帚滲之刷素

武甯縣志

卷二十四

方技

四百〇四

紙壁上取劍劃開中有五色雲擁樓殿一屏題吳鵬成  
仙四字道人忽不見鵬乃入鍾鼎山玉清宮修煉以符  
水濟人甚驗後徧遊名山至匡廬之麓遂迷跡焉

元

章道洪太平宮自然真人七世法嗣精道術嘗剡石遠山  
造人物像數十各重千餘斤役白牛負之至宮菖蒲塘  
山巔有石船相傳為道洪所泛

按菖蒲塘由太平宮前踰嶺倚北極山偏仄行二三  
里山勢伏虎橫亘一嶂延袤里許壁立天際山土石  
斑駁如萬派洪流洑洑湧巔有石船長數十丈廣  
半之道洪常乘白牛陟其上飄然有長風破浪意牛  
蓋亦有神術者後牛死瘞之山間至今有神牛塚

明

潘荃字芳谷龍鬚人幼穎異通奇禽風角六壬諸數亦精唐許之術物色劉鋹于未達時後鋹爲將軍從征西南參謀軍事多所裨益鋹欲薦於朝荃固辭鋹以所用筇竹杖鐫詩贈焉

李俊元少讀書後學醫精研靈素盡會諸家之旨尤深脉理預決人疾病死生不少失嘗與一少年會席注目久之謂曰子陽氣外達真陰不守病且發矣宜亟歸後數日少年氣脫死又一產婦暴卒俊元審視良久曰是爲惡血所衝擊無死理灼以艾數壯大下血而甦其測驗多此類用藥以少爲貴每一二味服至十餘劑不易方病亦良已曰彼多方以求之者見病未真耳病在一經

武甯縣志

卷三十四

方技

二

四百五十九

以一二味攻之足矣伐其無故經所戒也所著有醫準反約論其言與喻昌張介賓合

國朝

盧元俊字黃耳安樂鄉南浦人爲諸生以易名家後兩目失明仍研慮爻辭彖象會七十二家之首以究京焦之學遂精於卜筮吉凶休咎唯其所命居洪州十餘年一時有君平之目所著卜緝心解義類簡要爲世所宗李蓮雲楊浦人性機警善詼諧能詩日可數十首與邑人汪瀾爲莫逆交每飲酒悲歌則激昂起舞有不可一世意人以狂士稱之後棄家爲道士所居無定在遇山水佳處則誅茅三五月旋徙他所尤精醫術測人死生順逆每奇中兼通薛伯宗徙癰之法聞貧兒旅客遺疾輒

囊藥相就或勞以果菽亦欣然攜之去遇富人延治多避不往或詰之曰若輩氣血爲酒肉錢穀所敗較難爲力耳其傲寡如此

胡鈞太順義鄉人通秘笈雲符驅策雷電隨時輒應其鄉有石鐘魑魅憑爲巢穴常出搏噬人道路相率紆避所近雞犬牛豕攫之殆盡鄉人苦之鈞大作法祛治白晝雷聲霹靂石鐘碎裂窟宅一空怪遂滅

艾芬字右苾下南鄉人幼慧有文名尋以病廢遂專心醫理仲景傷寒論金匱玉函諸書洞悉源委所著有傷寒括註雜病略諸書得其傳多所全活

王時性字恒卓坊市人家世業醫初習儒應童子試不售遂研治內經洞悉脉理診人窮通壽夭多奇中然鯁直不能容物視俗醫無可與語者人益忌之及奇病險症非性不治性至諸醫環視拱聽觀所爲方且怪且駭性曰無怖可立愈也果如所言性狀貌魁梧卒年八十邑人士咸思慕焉

陳袞臣字山補別號六癖子穎慧能文詩亦有奇趣尤善書法所爲行草八分大小篆皆妙絕一時邑侯鄭大敬少尹王璋敬禮之爲布衣交居閒綽長髯喜詠諸能以趣語合五方土音令人頤解又通詞譜音律之學輿至輒引檀板抱魚鼓歌聲徹門外與弟亦羣稱爲二妙子戟光爲庠生竟不永年惜哉

張旅字蓋仙北鄉人少讀書能識大意後業醫洞徹脉理博覽諸家書而變通之每遇疾則閉目凝思靜按源委

故所爲方多奇中醫家咸則之著有孺子篇議論精當其兄望爲之序

鄧箕三坊市人花棚柯孝子性剛授以外科秘方用之神效遂操其術濟人年七十始集生平所歷著外科經驗方未脫稿卒子蘭乾郊續成之箕三天性孝友父遺中人產每食必有酒肉偕兄弟六人色養怡怡季弟敏爲諸生力學安貧變析產箕三予百金助膏火鄉里慕之顏其堂曰雍睦與轉孝子並稱

嘉俱序生

孫匡淮監生匡涪恩貢曾孫衍忠廩貢呂章衍

林球元字於梧號直我坊市人品方有度少習儒書尤通醫理屢試未遇乃益研窮難經素問諸書臨症用方多神效居常濟世爲念無分貧富迎之輒往不言謝邑侯

武甯縣志

卷二十四

方技

四

四百八十八

石爲詳請於郡伯林充醫學年六十七母年九十朝夕左右人尤稱道之子材茂職員

李舒字墨樵邑庠生二十五都人狀貌端嚴家貧授徒鄉曲於醫理披卻導窾爲人治病診脈畢凝神靜思定一方每三四易紙或定數方若先服中服後服無不病隨方解與同都胡勿迷友善胡亦精於醫每聚首則相與辨論務求理之至是遠近賴之李年五十餘卒胡艾年死三日而蘇年七十餘卒合著有醫理互驗數卷貧未能付梓

葉培春名芩順義鄉銀爐人父精醫學以本草諸書授徒芩年十二竊聽熟之卽得其意有姨母病血痛延數醫脈伏汗流口噤目閉咸束手母使往視曰血蠱也投桃

仁三十粒下之而愈里人子患暑病垂危哭聲達門外  
夢眠曰熱攻心劈西瓜二枚食之立痊由是醫名大噪  
其切脉能決壽夭窮通分甯蕭姓子陽氣達外真陰不  
守夢見之執其手診曰不三日矣果二日死靖邑舉人  
羅麟未遇時患胸氣恐成中滿診之謂脉清秀而長氣  
不甚伸某年入泮病減某年登榜病瘳且有壽後年果  
七十有四他如診汪某無十日活丁某必病大痲瘋藥  
某必跛一足驗者甚夥南豐譚中丞尙忠贈以切巧冠  
羣義甯州知州楊浩然贈以術精十全二額尙在爲人  
樸茂忠誠延請者貧富皆往子孕丹精其術亦有父風  
焉

李騰萬字文峰北鄉滁陽村人祖父皆早世大母母氏以

武甯縣志

卷二十四

方技

五

四百五十四

節孝著文峰幼孤體弱習舉業不任攻苦乃究心岐黃  
術後因以自治者治人多全活家頗饒好施予求診貧  
授以藥富亦不索謝爲人和厚自喜善調攝壽八十尙  
康強前令王贈杖朝國手額南昌學博黎爲製八十壽  
序

陳承羔字贊卿安樂鄉曉灣村人幼習儒以親老弟幼家  
寒窘改業醫研究靈樞素問之旨療病多中其貧苦無  
資者且授以藥輯有經驗急救良方行世又著醫案百  
篇未及梓前令陳瑞球寵以存心利物功能濟著手成  
春氣自和之句縣丞張鳳輝亦賜以和緩遺風額年踰  
六秩卒鄉里多感慕之

程銘字斂予一字西堂年豐南程人少工舉業不售遊處

士張閏榻之門肆力韓歐弼中彪外閒情吟咏有梅花  
詩百首尤精於靈素諸書黃之蘭刺夔州遣姪來甯旅  
次患危症羣醫束手銘用奇方得生黃奉幣賚書頌之  
廬州府守戴鳳翔郵寄濟人得壽額

城市儒醫潘佩周道光年間授醫官著有方書待梓爲人  
頗純篤

方畧北鄉人保舉醫學正科著有尙友堂醫案幼科輯要  
各二卷殿撰汪鳴相贈以聯云砌上瓊枝留美蔭階前  
瑤草散奇芬真儒醫也

張文翥字緝初安樂鄉人純實老成不事機巧有漢陰丈  
人遺風棄儒業醫垂五十載熟習靈樞素問諸書鄉鄰  
有急病每跋涉不畏勞苦瘥可不計直人感德之年八

武甯縣志

卷二十四

方技

六

十餘卒

洪達珏字並玉昇仁鄉人幼習舉業精岐黃得西昌喻君  
醫門法律粵旨診病分經醫治輒中竅理爲時賢所契  
著有醫書摘要待梓